

# Binuhatan 8:1-25

## ANG PAG BAG-O SA SAMARIA... (4 BUTANG)

- 1<sup>ST</sup> - ATO DIDTO SI SAULO SANG NAPATAY SI ESTEBAN... VS. 1-4
  - 1<sup>ST</sup> - Si Saulo nagkomporme sa pagbato kay Esteban kag nalipay siya...
    - Amo ini ang una nga mitlang sang ngalan ni Apostol 'Pablo' sa New Testament...
      - Ang iya tuod nga ngalan Saulo sang una antis siya nagsunod kay Jesus...
      - Sang napatay na si Esteban-si Saulo nagtinguha nga madula ang iglesya sang Dios!
      - Daw isa ka buang nga ido nga gapanguba bisan ano iya madakpan!
    - Ang pamangkot ngaa grabe ang ka ugot ni Pablo sa simbahan...
      - Tungod sa pagtandog sang iya tagipusoon paagi sa pulong ni Esteban...
      - Kun maghaboy ka bato sa mga ido ang mataghol ang naiguan...
      - Kun may abyan ukon pamilya nga naga pamatok kay Jesus...
      - Buot silingon ang Ginoo nagahikot sa iya tagipusoon!
  - 2<sup>ND</sup> - Ang kamatayon ni Esteban nagsugod sang pagpanghingabot sa simbahan... vs. 2-4
    - Asta sa sini nga tion ang mga nagasunod kay Jesu Cristo napabay-an lang...
      - Ang mga Apostoles gindakop pero gina buy-an sila...
      - Pero ang kamatayon ni Esteban – ang mga leader sang Judio nagbaskog...
      - Kay napatay ang sumulunod ni Jesus-damo ang handa magpriso sa iban!
    - Maayo ang resulta sang paghingabot-ang Pulong naglapta...
      - Ang mando ni Jesus sa mga Apostoles nga maglakat sa bilog nga kalibutan...
      - **Binuhatan 1:8** - "Dayon isugid ninyo ang mga butang parte sa akon, halin diri sa Jerusalem hasta sa bug-os nga Judea kag Samaria, kag hasta sa bug-os nga kalibutan."
      - Pero asta sa sini nga tion wala pa naka guwa sa Jerusalem...
      - Siguro ang mga sumulunod wala naka guwa sa pagpalapnag sang Pulong...
      - Gani ginsugtan sang Dios ang pahingabot para ang Pulong maglapta...
    - Jim Eliot-missionary sa Ecuador sang 1950...
      - Ang tribo nga nasugiran sang Pulong ang nagpatay sa iya...
      - Abi mo ang kamatayon makapugong sang obra sang Dios...
      - 'Ang tawo indi buang sa paghatag sang indi niya matago kag sa pagkuha sang indi niya madula'
      - Nahibaluan ni Jim nga ang kabuhi indi pahapos kundi sa pagpanugid sang kabuhi nga wala katapusan...
      - Ang asawa ni Jim nagbalik sa tribo kag damo ang nagbaton kay Jesus...
      - Ang balita sang iya kamatayon naglapnag kag damo man ang nangin missionaries!
      - Kun kaisa gina uyog kita kag napadumdom kun ano gid ang kahulugan sang kabuhi...
      - Hala kita lagas sang mga butang nga sa katapusan wala ini mga pulos...
      - Nausikan ang aton tion sa mga kabuangan sa aton natan-aw sa TV...
      - Nga ang kalibutan puno sang tawo nga wala kakilala kay Jesus kag ma pa impierno...
      - Indi man nga indi na gid kita mag pahuway kag maghampang...
      - Pero ang maghingaw kita panugid sa iban parti kay Jesu Cristo!

- **Efeso 5:16** – “Indi ninyo pag-usikan ang inyo tiyempo, kundi gamiton ninyo sa paghimo sang maayo...”

- **2<sup>ND</sup> – ANG PULONG NAGKADTO SA SAMARIA... VS. 5-8**

- 1<sup>st</sup> – Si Felipe naglakat sa Samaria nagpangwali kay Jesu Cristo... vs. 5
  - Si Felipe isa sa mga 7 ka waiter-nagserbe sang pagkaon – **Binuhatan 6**
  - Makita naton ang maayo nga ihimplo sang Dios nga mangin suluguon nga leader...
  - **Kun kita matutom sa gagmay nga mga butang-itugyan sa aton ang mas dalagko nga butang.**
  - **Halin kay Pedro kag Juan-dason kay Esteban kag Felipe-ordinaryo ang nagamit sang Ginoo**
  - **Indi sa abilidad-kun handa nga gamiton sap ag-alagad sa Ginoo!**
- 2<sup>nd</sup> - Ano ang nagtulod kay Felipe sa paglakat sa Samaria... vs. 6-8
  - Siguro nga matuman ang **Binuhatan 1:8** – Halin sa Jerusalem/pa Judea/pa Samaria...
    - Pero basi si Felipe nagalakat sa Samaria kay wala na sang may naglakat...
    - Ang mga Samariahanon ½ nga mga utod sang Judio nga nasyon...
    - Pagkatapos ni Haring Solomon -ang Israel natunga – North kag South...
    - Ang North nga giharian nangin Samaria- amo na siya ang sentro nga siyudad...
    - Ang North nga bahin nasakop sang Assyria sang 722 B.C.– **2 Hari 17:23**
    - Ginpangkuha sila sang mga Assyrian kag ginlapta sa mga nasyon nga ila nasakop...
    - Kag ang mga ginpangsakop sa iban nga nasyon ginbutang sa Israel...
    - Ang pagsamo sang mga tawo/relihiyon nangin ‘Samariahanon’ sa New Testament...
  - Ang mga Judio naugot sang mga Samariahanon...
    - Sang pagbalik sang mga Judio halin sa Babilonia sang 516 B.C.
    - Ang mga Samariahanon gusto magbulig tukod sang Templo- **Ezra 4:1-5** – pero indi sila ginsugtan...
    - Ang mga Samariahanon nagbalabag tukod sang Jerusalem- **Nehemias 4:22**
    - Sugod sadto permi na sila nag inaway, wala na salig ang ini nga 2 ka nasyon...
  - Si Felipe naglakat sa lugar nga wala sang may makadto- si Jesus lang gid...
    - Sa **Juan 4** si Jesus dapat makadto sa Samaria kag makita ang babayi sa bubon...
    - Nagsugid siya sang Pulong sa iya-kag siya nanugid sa tanan parti kay Jesus...
    - Nakabati na sila sang Pulong, sang mag-abot ni Felipe damo ang naluwas!
    - **Damo nga mga Kristohanon subong nga nagapalayo sa mga makasasala...**
    - Ang buang sa plaza/ang hubog nga indi na ka tingog...
    - Nagalikaw kita sa pihak nga dalan kag naga palayo...
    - **Pero indi dapat kay ang makasasala kinahanglan sang aton bulig!**
    - **Si Jesus nagkaon upod sa mga nagabaligya sang ila lawas-nagapalangga sa makasasala...**
    - **Kun sugiran sila sang gugma ni Jesus, may pagbag-o nga matabo!**

- **3<sup>RD</sup> – SIMON NGA MADIKERO... VS. 9-13**

- 1<sup>st</sup> – Si Simon nagahimo sang mga madyik... vs. 9-11
  - **Indi sala ang mga sagad magdala sang ila mga kamot nga daw madyik...**
  - **Pero kadelikado kun ang malain ang Espiritu ang magsulod-indi gina dilian sang Dios– Deuteronomio 18:11**
- Si Simon siguro nagamit sang panulay sa iya mga ginahimo...

- Ginpapati niya ang bilog nga Samaria nga siya may “Gahom sang Dios”...
- Kay si satanas may gahom sa pagsunod sunod sang milagro sang Dios...
- **Mateo 24:24** – “Kay magaguwa ang indi matuod nga mga Cristo kag ang indi matuod nga mga propeta. Magahimo sila sang mga milagro kag makatilingala nga mga butang sa katuyuan nga patalangan, kon mahimo, bisan pa ang mga pinili *sang Dios*.”
- **Ginasunod ni satanas ang nahimo sang Dios para mainto ang mga tawo...**
- **2 Corinto 11:14** – “Si Satanas nagapakuno-kuno nga anghel *sang Dios* nga nagahatag sang kasanag.”
- **Ang isa ka paagi nga mabal-an ang kamatuoran paagi sa pagtuon sang Bibliya!**
- **Si Jesus ang kamatuoran-dira mabal-an ang tuod kag ang butig!**
- **2 Timoteo 2:15** – “Himua ang imo masarangan agod malipay ang Dios sa imo, nga pareho sa manugpangabudlay nga wala nagakahuya sa iya mga ginahimo. Itudlo mo sang husto ang pulong sang Dios nga amo ang kamatuoran.”
- 2<sup>nd</sup> – Sang nagtuo ang mga tawo sang Pulong-wala na sila nagpati kay Simon... vs. 12
  - Paagi sa pagpamatai sang Pulong ang mga tawo nagpalayo sa indi tuod nga panudlo...
    - Si Simon nagpabautiso kag nagsunod kay Felipe kun diin siya makadto!
    - **Roma 10:17** – “Karon makasiling kita nga ang tawo magatuo lang kay Cristo kon makabati siya sang mensahi parte sa iya. Kag ining mensahi mabatian lang kon may ara nga magtudlo sini.”
    - **Ang pagtuo nagahalin sa pagpamati sang Pulong...**
    - **Indi kita dapat maglalis sa sala nga pagtudlo-ukon maglalis sa mga manunudlo...**
    - **Kabalo kita sang sabat gani isugid si Jesus sa iban...**
    - **Ang aton lang nga hibaluon ang isa ka sabat-si Jesus ang paglaom sang kaluwasan**
    - **Roma 1:16** – “Wala ko ginakahuya ang pagwali sang Maayong Balita. Kay amo ini ang gahom sang Dios sa pagluwas sa tanan nga nagatuo...”
- 4<sup>th</sup> – **GINPADALA NILA SI PEDRO KAG SI JUAN SA SIMABAHAN... VS. 14-25**
  - 1<sup>st</sup> – Ang balita nga damo nagtuo sa Samaria naglab-ot sa Jerusalem... vs. 14-17
    - Ginpadala nila si Pedro kag si Juan sa pagtan-aw sang natabo sa simbahan...
      - Kay ang mga Judio naakig sa mga Samariahanon
    - Sang ila pag-abot nangamuyo sila sa mga tumuluo para mabaton ang Balaan nga Espiritu...
      - **Ang Balaan nga Espiritu may 3 ka bahin...**
      - **Ang Espiritu nga nagatandog sang sala-antis magtuo kay Jesus- Juan 16:7**
      - **Ang Balaan nga Espiritu nga nagakabuhi sa aton-pagkatapos nagtuo- 1 Corinto 6:19**
      - **Ang Balaan nga Espiritu nga nagsulod sa aton nga nagahatag gahom sa pagkabuhi kay Jesus!**
      - Ang Samariahanon nga tumuluo nabautisohan pero ang Esperitu wala sa ila...
      - Sang tion si Pedro kag si Juan nagtungtong sa ila kamot-napun-an sila sang Espiritu!
      - Kaangay sa **Binuhatan 2** – Ang mga Samariahanon naluwas!
    - Si Felipe manugwali-pero indi siya makatutong sang kamot sa mga tawo para sa Balaan ang Espiritu...
      - Ang iban nga mga lalaki nga may lain nga mga regalo gingamit sa Samaria...
      - **Tanan kita may bahin sa lawas ni Cristo- ang regalo nga ginhatag sang Dios sa aton...**
      - **Ang kada isa importante sa lawas ni Cristo para maka obra sang insakto...**
      - **Ang isa ka tawo indi maka himo sang tanan sa simbahan...**

- Isa isa importante, kinahanglan ang tanan para makapadayon ang simbahan...
  - Kag may kalinong nga mabaton nga indi kita ang mahimo sang tanan...
  - Ginhatag sang Dios ang isa kag isa sa aton sa paghimo sang hilimuon sang Dios!
- o 2<sup>nd</sup> – Nakita ni Simon ang gahom sang Balaan nga Espiritu... vs. 18-25
- Gusto niya baklon ‘ang gahom’-gusto man niya nga siya mahatag sang Balaan nga Espiritu!
    - Ang mga madyikero nagabaligya sang ila mga sekreto sa iban nga mga mdyikero...
    - Pero ang regalo kag ang pagtawag sang Dios indi mabakal ukon mapangabudlayan...
    - Ang tanan nga mga tumuluo napun-an sang Espiritu – **1 Pedro 4:10**...
    - Wala kita naga desisyon kun ano nga regalo aton mabaton-ginhatag ini sang Balaan nga Espiritu sa aton!
    - **1 Corinto 12:11** – “Pero isa gid lang ka Espiritu ang nagahatag sini tanan, kag ginapanagtag niya ini sa tagsa ka tawo suno sa iya gusto.”
  - Ginsabdong ni Pedro si Simon-‘ang imo kuwarta mapatay upod sa imo’...
    - Siling ni Pedro wala ka lugar sa simbahan-ang iya tagipsuoon layo sa Dios...
    - Naakig si Simon kay si Jesus kag ang Iya pulong nagbulos sa iya...
    - Gusto lang niya ang regalo para sa iya kadayawan-gusto niya siya ang mabantog...
    - Siling ni Pedro maghinulsol ka sa imo bugal nga kabuhi para mapatawad ka sang Dios!
  - Si Simon ginbautisohan kag nagtuad nga nagtuo kay Jesus...
    - Pero sa pulong lang-wala nakita ang tuod nga pagbag-o...
    - Asta nga ginpakita ni Simon kun sin-o gid siya kay Pedro!
    - **Mateo 13:24-25** – “Ang paghari sang Dios mapaanggid sa *sini nga estorya: May tawo nga nagsab-og sang maayo nga binhi sa iya duta. Pagkagab-i, samtang ang mga tawo nagakatulog, ang iya kaaway nagkadto didto kag nagsab-og sang liso sangbugang kag nagpauli.*”
    - Ang tanom indi mabal-an asta sa tion nga mamunga na...
    - Budlay mabal-an kun tuod gid nga tumuluo ang isa ka tawo ukon isa siya ka hilamon...
    - Si satanas nagatanom sang hilamon sa simbahan kag nagahatag problema...
    - Kun nagpabautiso/nagsimba/indi buot silingon Kristohanon sila...
    - Dapat may maayo nga bunga halin sa kabuhi...
    - Maayo nga buhat resulta nga ara si Jesus sa sulod sang tagipusoon!